

ք. Երևան

03.12.2021 թ.

Մույն մեկնաբանությունը վերաբերվում է «Վիքիմեդիա Հայաստան» գիտակրթական հասարակական կազմակերպության (այսուհետ՝ Կազմակերպություն) նոր խմբագրությամբ կանոնադրության (այսուհետ՝ Կանոնադրություն) գրանցմանը և դրանում կատարված փոփոխություններին և կատարվել է ՀՀ օրենսդրության և իրավական պրակտիկայի հիման վրա:

Կազմակերպության Կանոնադրությունը հաստատվել է «Վիքիմեդիա Հայաստան» գիտակրթական հասարակական կազմակերպության 2020 հունիսի 6-ից 8-ը՝ առցանց եղանակով տեղի ունեցած արտահերթ համաժողովի 12 հուլիսի 2020 թվականին կազմված N 12062020 արձանագրության 5-րդ օրակարգային հարցի թիվ 5-րդ արձանագրային որոշմամբ: Կանոնադրության փոփոխության և արձանագրության մեջ ներառված այլ որոշումների մասով քվեարկությունից հետո կազմվել է արձանագրություն, որի քաղվածքը Կանոնադրության հետ միասին ներկայացվել է գրանցման ՀՀ ԱՆ իրավաբանական անձանց պետական ռեգիստրի գործակալություն (այսուհետ՝ Գործակալություն):

Գործակալության կողմից 2020 թվականի հուլիսի 29-ին Կազմակերպության իրավական հարցերով ներակայացուցչին հեռախոսազանգի միջոցով ներկայացվել են փոփոխություններ կանոնադրությունում, որոնք իրենց բնույթով բխում են Օրենսփյոց, նպատակ ունեն հստակեցնել կանոնադրության մեջ առկա կարգավորումներ: **Ընդ որում հաշվի առնելով փոփոխությունների ոչ բովանդակային լինելը, Ռեգիստրի կողմից ներկայացվել է շտկումներ կատարելու առաջարկ, այլ ոչ թե կայացվել է կանոնադրության գրանցման մերժման որոշում՝ հաշվի առնելով մերժման հիմքերի բացակայությունը:**

Համաձայն ՀՀ իրավական պրակտիկայի և օրենսդրության Գործակալությունն իրավունք ունի դիմումատուին առաջարկել ներկայացված փաստաթղթերում կատարել այնպիսի փոփոխություններ, որոնք հիմք չեն հանդիսանում դիմումի մերժման և փոփոխությունների չգրանցման համար և այդ փոփոխությունները

ներկայացնելուց հետո կատարել նոր խմբագրությամբ կանոնադրության կամ այլ փոփոխությունների գրանցում:

2020 թվականի հուլիսի 30-ին փոփոխությունները ներկայացվել են Գործակալություն և կատարվել է դրանց գրանցում:

Փաստում ենք, որ փոփոխությունները կատարվել են Ռեզգիստրի առաջարկության հիման վրա բացառապես և չեն կրում բովանդակային բնույթ, հակառակ պարագայում առկա կլիներ կանոնադրության գրանցման մերժման որոշում, որի հիման վրա էլ կառաջանար անհրաժեշտություն հրավիրելու նոր արտահերթ համաժողով:

Ինչ վերաբերվում է Գործակալության կողմից առաջարկված փոփոխություններին, ապա Գործակալությունը «Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» ՀՀ օրենքի համաձայն պարտավոր է մերժել այն փոփոխությունների գրանցումը, որոնցում առկա են օրենսդրական անհամապատասխանություններ: Գործակալությունը հիմք ընդունելով այն հանգամանքը, որ այդ փոփոխությունները ոչ թե օրենսդրական անհամապատասխանություններ են, այլ պարզապես շտկումների կարիք ունեցող փոփոխություններ առաջարկել է դրանք շտկել և ներկայացնել Գործակալություն:

Այս փոփոխությունները ևս մեկ անգամ համաժողովի հաստատմանը չեն ներկայացվել, քանի որ դրանք չեն եղել բովանդակային, այլ միայն տեխնիկական և հստակեցող, իսկ համաժողովի հրավիրումը միջինում տևում է 1 ամսից ավելի, ուստի կատարվել են համապատասխան փոփոխությունները և կատարվել է գրանցում:

Եթե հարց է առաջանում տվյալ փոփոխությունների կատարման և դրանց «բովանդակությանը» վիճարկման հետ կապված, ապա պետք է շեշտել, որ նախ՝ առանց դրանց կատարման հնարավոր չէր լինի կատարել կանոնադրության գրանցում, ինչպես նաև այդ դրույթների կիրառելիությունը չի կարող ազդել ամբողջական փաստաթղթի իրավագրության վրա, քանի որ կանոնադրության յուրաքանչյուր

դրույթ ունի օրենսդրական հիմք: Եթե նույնիսկ վիճարկվի Կանոնադրության մեջ՝ համաժողովի անցկացումից հետո կատարված փոփոխությունների օրինականությունը, ապա դրա հիմքով կարող են կասակածի տակ առնվել Կազմակերպության այն գործողությունները, որոնք ուղղակիորեն բխել են կատարված վիճարկման փոփոխություններից և չեն բխում ՀՀ օրենսդրությունից, մասնավորապես «Հասարակական կազմակերպությունների մասին» ՀՀ օրենքից:

Ամփոփելով վերագրյալն անհրաժեշտ է շեշտել, որ նման փոփոխությունների կատարումը ուղղակիորեն բխել է ՀՀ օրենսդրության պահանջներից, միտված է եղել վերջինիս պահպանմանը և չի կատարվել ՀՀ օրենսդրությանը հակասող եղանակով: Կատարված փոփոխությունները նպատակ են ունեցել թույլ չտալ օրենսդրական և կանոնադրական բացեր, որոնք հետագայում կարող էին հանգեցնել հակասության ՀՀ օրենսդրության հետ: Միևնույն ժամանակ պետք է ամրագրել, որ Կազմակերպությունն ունի իր գործունեությունը կանոնակարգող երկու հիմնական շարժիչ ուժ՝ ՀՀ օրենսդրությունը և Կազմակերպության նոր խմբագրությամբ կանոնադրությունը և ցանկացած գործողություն, որը կարող է կատարվել Կազմակերպությունում պետք է բխի և պետք է տեղի ունենա ՀՀ օրենսդրությանը և Կազմակերպության կանոնադրությանը համապատասխան:

«ԼեգալԼաբ» փակ բաժնետիրական ընկերության ավագ իրավաբան

Մերի Օհանյան

